

"মিষ্টি বাচ্চারা :- তোমরা হলে রুহানী যোদ্ধা, তোমরা বাবার থেকে অনেক বড় বড় জ্ঞানের গোলা (বোমা) পেয়েছ, যার দ্বারা মায়া অরি-কে (দুশমনকে) জয় করতে হবে।"

প্রশ্ন :- কোন্ রহস্য বুঝে যাওয়াতে, তোমরা নিশ্চিত বাদশা (বেফিকর বাদশাহ) হয়ে গেছো ?

উত্তর :- সমগ্র নাটকের রহস্য বোঝার কারণে তোমরা নিশ্চিত বাদশা হয়ে গেছো। এখন তোমরা জেনে গেছো যে পুরানো হিসেব - নিকেশ শেষ করে আমরা ২১জন্মের জন্য জ্ঞান আর যোগের ঝুলি ভর্তি করছি। আমরা হলাম শিববাবার পৌত্র আর ব্রহ্মা বাবার সন্তানতাহলে কোন্ বিষয়ের চিন্তা করবো।

গীত :-- ভাগ্য জাগিয়ে এসেছি, আমি এক নতুন দুনিয়া রচে এসেছি

ওম্ শান্তি। বাবা বসে বোঝান, আমার প্রিয় বাচ্চারা, তোমরা হলে গুপ্ত সেনা, আর বাচ্চারা তোমাদের জ্ঞানের বড় বড় বারুদ - জ্ঞানের বড় বড় গোলা(বম্ব) প্রাপ্ত হয়েছে। তোমরা জানো, এ সেই গীতার এপিসোড অর্থাৎ সেই নাটকের পার্ট আবার শুরু হয়েছে। এই গীতা শাস্ত্রই এমন যার সঙ্গে মহাভারত যুদ্ধের সম্পর্ক আছে। তোমরা বাচ্চারা হলে গুপ্ত সেনা। যেমনভাবে ওরা অভ্যাস করছে তাতে গোলা রিফাইন হয়ে যাবে। তেমনই শিববাবাও বলেন ব্রহ্মার দ্বারা আমি তোমাদের অনেক বড় বড় জ্ঞানের গোলা দিই। তাই তোমরা মানুষরা খুব ভালোভাবে শঙ্খধ্বনি করো যে গীতার পার্ট আবার শুরু হয়েছে এবং স্বর্গের দৈব সাম্রাজ্য আবার স্থাপন হচ্ছে। তোমরা বাচ্চারা নিজেদের জন্য রাজত্ব স্থাপন করছো। দুনিয়ার সেনারা পরিশ্রম করে তাদের রাজা রানীদের জন্য, তোমরা নিজেদের জন্য মায়াকে জয় করে ২১ জন্মের জন্য বাদশাহী নাও - আগের ৫০০০ বছরের মতো। এই কথা তো তোমাদের বুদ্ধিতে আছে যে বরাবর আমরাই আমাদের ভাগ্য বানিয়েছি। দুনিয়ার মানুষ অল্পকালের জন্য প্রালব্ধ পেয়ে থাকে। এখানে তোমরা প্রত্যেকেই ২১ জন্মের জন্য প্রালব্ধ বানাতে পারো। তোমরা মাশ্বা এবং বাবার থেকেও উঁচুতে যেতে পারো। কিন্তু বিবেক বলে যে মাশ্বা - বাবার থেকে উঁচু কেউই হতে পারে না। যদিও সূর্য বা চাঁদের গ্রহণ লাগে তবুও পড়ে যায় না। তারা তো খসেও পড়ে। বাবা বলেনআমার প্রিয় বাচ্চারা, আমি তোমাদের কেন স্মরণ করবো না। এমন প্রিয় বাচ্চাদের কথা কেন মনে আসবে না। কিন্তু অনুভব বলে যে বাচ্চারা বাবাকে স্মরণ করতে ভুলে যায়। নিজেকে বাবার সজনী মনে করলেও অনেক শক্তি মিলবে কারণ সজনী তো অর্ধাঙ্গিনী হয় তার সজনের। বাচ্চারা তো বাবার সম্পত্তির সম্পূর্ণ অধিকারী হয় তাই বাবা বলেন যে আমার 'জ্ঞানী তু আত্মার' সঙ্গেই প্রেম। ধ্যানী ব্যক্তির তো সাক্ষাত্কারের ইচ্ছা থেকে যায় কিন্তু যারা সারাদিন 'বাবা - বাবা' করতে থাকে তাদের তো জ্ঞানীই বলবে। বাবার জ্ঞানের অনেক শখ আছে। এখন তোমরা জ্ঞানের গোলা পাচ্ছ, এ তো নতুন কথা। ধ্যানে অনেক সাক্ষাত্কার ইত্যাদি করে, কিন্তু তারা জ্ঞান কিছুই পায় না। বাবা এমনও বলেন না যে ধ্যান খারাপ। ভক্তিমার্গ সাক্ষাত্কার হলে মানুষ খুশী হয়ে যায়, কিন্তু মুক্তিধামে যেতে পারে না। বাবা বলেন, তোমরা আমার ধামে আসবে। তোমরা জানো যে এই জ্ঞানের দ্বারা আমরা ভবিষ্যতের রাজকুমার হতে পারবো। দেবতারা তো এখানে নেই যারা এই চোখ দিয়ে দেখতে পারে। চিত্র তো অনেক আছে। কৃষ্ণকে তো তোমরা দেখো, সেখানে রাজকুমার - রাজকুমারীদের রাস লীলা চলে অথবা বাল লীলাও দেখানো

হয়। কিন্তু মহারাণী কবে হবে, কবে সেই রাজকুমারকে দেখা যাবে। এ তো কেউই জানে না। বাবা সাক্ষাত্কার করান যে নিশ্চিত হও যে আমরা ভবিষ্যৎ মহারাণী হতে চলেছি। জ্ঞানের দ্বারাও বুঝবে, কিভাবে আমাদের আত্মা এবং শরীর দুইই পবিত্র হবে। এই যে 'হাম সো' মন্ত্র, তা এখনকার জন্য। শিববাবাকে স্মরণ করলে শক্তি পাওয়া যায়। হাতিমতাইয়ের খেলায় দেখানো হয় -- মুখে পুঁতি দিলেই মায়া চলে যেত। বাবা নিজেই বলেন, হে আমার প্রিয় বাচ্চারা, তোমরা কাজকর্ম যাই করো না কেন কেবলমাত্র তোমাদের বুদ্ধির দ্বারা বাবাকে স্মরণ করতে হবে। তোমাদের এক হলো পরমধাম। দুনিয়ার মানুষ যখন যাত্রায় যায় তখন অনেক ঘুরতে থাকে। চারধামই তাদের বুদ্ধিতে থাকে। তোমাদের বুদ্ধিতে এক পরমধাম আছে। কাউকে জিপ্তোস করো, তোমরা কি চাও? তারা বলবে মুক্তি। সন্ন্যাসীরাও শান্তির জন্য বাড়িঘর ছেড়ে দেয়। জঙ্গলে চলে যায়। তারা ভাবে.....আমরা জন্ম মরণের চক্র থেকে যদি মুক্তি পাই, মোক্ষ পাই। কিন্তু চিরকালের জন্য কেউ মুক্তি পেতে পারে না। এ হলো অনাদি বানানো নাটক। এই নাটকের রহস্য কেউই জানে না। সৃষ্টিকর্তা, নির্দেশক, প্রিন্সিপল এবং অভিনেতাকে কেউ জানে না। তোমরা জানো যে এই নাটকের চারটি ভাগ আছে। এমন নয় যে সত্যযুগের আয়ু বড়। জগন্নাথপুরীতে যখন চালের ভোগ দেওয়া হয় তখন তা চার ভাগ হয়ে যায়। এই দুনিয়া হলো চার যুগের নাটক, এর আদি - মধ্য এবং অন্তকে একমাত্র তোমরাই জানো, এ হলো এক খেলা। আমরা দেবী দেবতারাই রাজত্ব করতাম। আমরাই আবার তা হারিয়ে ফেলেছিলাম আবার আমরাই আবার জয় করে নিছি। এ হলো ৫ হাজার বছরের কথা। এখানে প্রত্যেকেই নিজেদের জন্য পুরুষার্থ করে। যে অন্যকে নিজের মতো বানাতে পারবে, বাবা তাকে পুরস্কারও দেন। বাবা বলেন যে যোগ অগ্নির দ্বারা তোমাদের পাপ নিজে থেকেই বিনাশ হয়ে যাবে, আমি কিছুই করি না। তোমরা নিজেদের পুরুষার্থের দ্বারাই রাজত্ব পাও, যেমন রাজা জনকের উদাহরণ আছে। একে বলা হয় সাক্ষাত্কার।

তোমরা জানো যে আমরা জীবনমুক্তিতে যাবার জন্য পুরুষার্থ করছি, যাতে জ্ঞানের দরকার। আমাদের মুক্তিতে থাকলে চলবে না। আমাদের পার্ট অলরাউন্ড। যেমন ট্রেনে করে কোথাও গেলে তোমরা ভায়া আহমেদাবাদ হয়ে যাও। আমাদেরও জীবনমুক্তিতে যেতে হবে ভায়া মুক্তি। প্রতি মুহূর্তে পরমধামকে স্মরণ করো। দুনিয়ার স্কুলে মানুষ ৫ - ৬ ঘন্টা পড়ে, এখানে এতো পড়তে পারে না, তাই বলা হয় এক মুহূর্তআধ মুহূর্তএর মধ্যে অমৃতবেলা খুবই ভালো। স্নানও অমৃতবেলাতে করা হয়। একবার মুরলী শুনে পয়েন্টস রিপোর্ট করতে থাকো। টেপে মুরলী রাখা যায়। তোমরা যদি ১৫ দিন বাদেও শোন, তাহলেও শুনে ফ্রেশ হয়ে যাবে। কোনো পয়েন্ট যদি মনে না থাকে তাহলে চট করে খেয়াল এসে যাবে। মুরলীর নোটস নিজের কাছে রাখা ভালো, এ তো বারুদ। অনেক বাচ্চাই এই নোটস রাখে। যেমন ব্যারিস্টার, সার্জনরা নিজেদের কাছে অনেক বই রাখে, যারা অনেক বই পড়ে তারা ভালো ওষুধ দেয়। কেউ কেউ খুব ভালো নোটস নেয়, কেউ কেউ আবার নোটসও নিতে পারে না। বাবা বলেন, এও তোমাদের কর্মবন্ধন। এও তাদের বিকর্ম। তোমরা বাচ্চারা জানো, আমাদের রাজধানী স্থাপন হচ্ছে। যেমন প্রথমে ইংরেজ ব্যবসার জন্য এসেছিলো, কিন্তু ব্যবসা করতে করতে দেখলো এরা তো নিজেদের মধ্যে লড়াই - ঝগড়া করে, তাহলে কেন না আমরা নিজেদের সৈন্য নিয়ে রাজ্য দখল করি। তোমাদের জন্য তো খুবই সহজ। কাউকে মারার কোনো কথা নেই। তোমরা যোগবলের দ্বারা রাজ্য ভাগ্য নাও। সত্যযুগে লক্ষ্মী - নারায়ণ রাজপদ কিভাবে পেয়েছিলেন? কলিযুগের রাত সম্পূর্ণ হলেই সত্যযুগের দিন আসবে। দিনে রাজত্ব আর রাতে ধর্মচক্র, বাবা এলে আমরা ধনী হয়ে যাই। কলিযুগের পরে আসে সত্যযুগ। অনেক ধর্মের পরে আসে এক

ধর্ম। যারা আগের কল্পে রাজত্ব নিয়েছিলো তারাই এখন আবার নিচ্ছে। তাদের বলা হয় স্বর্গীয় দৈব সাম্রাজ্য। এখন তো হলো নরক আর নির্বাণধাম হলো ব্রহ্মাণ্ড, যেখানে তোমরা ডিমের মতো থাকো। তোমাদের বুদ্ধিতে সম্পূর্ণ ব্রহ্মাণ্ড এবং এই সৃষ্টির জ্ঞান আছে। কত সহজ কথা। মুখ্য হলো গীতার কথা। গীতায় ভগবানের নাম বদলে দিয়েছে। এ হলো জ্ঞানের গোলা। এই এক কথাকে যুক্তি দিয়ে বোঝাও। এইসময় সবাই চোরাবালিতে ফেঁসে রয়েছে। মায়া সকলের ডানা ভেঙ্গে দিয়েছে তাই উড়তে পারে না। বাবা এসেই এখান থেকে মুক্ত করানোর সাধনা করান। তাই এখন সবাইকে পবিত্র হয়ে ঘরে ফিরে যেতে হবে।

তোমরা বাবার থেকে আবার রাজ্য - ভাগ্য নেওয়ার জন্য পুরুষার্থ করছো। বাবা বোঝান যে তোমরা খুশীতে থাকো। যারা নিজেরা এই জ্ঞান খুব ভালোভাবে ধারণ করে অন্যকে নিজের সমান বানাতে পারবে তারা খুশীতে থাকবে। যারা এক নম্বরে পাস করবে তারা তো খুব খুশীতে থাকবে, তাই না। সরকারও তো স্কলারশিপ দিয়ে থাকে। তোমাদেরও মালা তৈরী আছে। ১০৮ এরও মালা হয়। ১৬১০৮ এরও মালা হয়। একটা বাত্ম বানানো হয়, তাতে রেখে দেওয়া হয়। এখন তোমরা বুঝে গেছো এই মালা কার। রুদ্রাঙ্কের মালা কাকে বলা হয়। প্রথম হলো ব্রহ্মার মালা। বাবা তো এই রচনা করছেন। যারা ব্রহ্মার মনে স্থান পাবে তারাই শিববাবার মনেও স্থান পাবে। এ হলো ব্রহ্মার মালা। সব বাচ্চারা আছে না। তাই প্রথমে তার মালা এরপর রুদ্রের মালা তৈরী হয়, তারপর বিষ্ণুর গলায় শোভা পায়। এই স্বর্গীয় রাজধানী এখন স্থাপন হচ্ছে। এই মনুষ্য সৃষ্টিই স্বর্গ আর নরক হয়। স্বর্গে দেবী - দেবতারা থাকেন তাই তাকে স্বর্গ বলা হয়। স্বর্গে যারা থাকে তারাই পরে নরকে যায়। তারপর আমরাই আবার নরক থেকে স্বর্গে যাই। মায়াকে জয় করে আমরা জগৎ জিত হই। তোমরা বলবে যে আমরা এই পার্ট অনেকবার করেছি। কেউ যদি বলে, কেবল তোমরাই স্বর্গ দেখবে? আমরা দেখবো না? তাদের বোলো, সবাই খোড়াই সেখানে যেতে পারবে। এ অসম্ভব। প্রত্যেকেই তাদের সত্যো, রজো এবং তমোগুণের অভিনয় করে থাকে। এ কেউই জানে না। তোমরা জানো যে, আমাদের রাজত্ব স্থাপন হচ্ছে। আমরা স্বর্গের মালিক হচ্ছি। এই নাটক তোমাদের অবশ্যই পুরুষার্থ করাবে। নাটকে ঐন্নার দ্বারাই মুরলী শোনানো হয়েছে। পুরুষার্থ ছাড়া তোমরা থাকতে পারবে না। বসতেও পারবে না। আগের কল্পে যেমন মুরলী শোনানো হয়েছিলো সেই অনুসারে এবারও শোনানো হবে। কতো গোপন কথা এটা। এই নাটক অবশ্যই রিপিট হবে। আমরা হলাম নিশ্চিত বাদশা। আমরা পরমপিতা পরমাত্মা শিবের পৌত্র। তোমাদের সম্বন্ধে তিনি কত সত্যক। এ হলো রাজযোগ। বাবা বলেন, এখন পুরনো হিসেব - নিকেশ শেষ করো। এর থেকে বুদ্ধির যোগ দূর করো। এরপর জ্ঞান আর যোগের দ্বারা যত জমা করবে, ততই তোমাদের ২১ জন্মের জন্য ঝুলি ভরতে থাকবে, এতে তো ভয়ের কোনো কথাই নেই। বাবা তো দাতা। তিনি বলেন, যা তোমাদের আছে, সব নিবেদন করে দাও। এখানে তো কোনো মহল তৈরী করতে হবে না। এই টাকায় কি করতে হবে। কেবল তিন পদ জমি নিয়ে সেন্টার খুলে দেয়। এ হলো জবরদস্ত ইউনিভারসিটি বা হাসপাতাল। ওই হাসপাতাল তো অনেক হয়ে থাকে। এ হলো একই হাসপাতাল। যারা ধর্মপ্রাণ হবে তারা বলবে, কেন না আমরা এমন হাসপাতাল খুলি যেখানে মানুষ চিরসুস্থ হতে পারে, বাবা যখন স্বাস্থ্য এবং সম্পদ দেন, তখন তারা বলে, বাবা এ সবই তোমার, যে কাজে চাও লাগাও। তাই নিশ্চিত হয়ে সম্পূর্ণ অনুসরণ করতে হবে, তাই না। প্রত্যেকেই নিজের জাতিকে ওপরে তোলে। তোমরা বলো, আমরা ব্রাহ্মণ, তাই সবকিছুই তো ট্রান্সফার করে দেওয়া চাই। বাবা তোমাদের ২১ জন্মের জন্য বাদশাহী দেন। বাবার সেবায় লেগে থাকলে তোমরা কখনোই ক্ষুধার্ত হবে না। আমাদের খরচ তো খুবই কম

।তোমাদের তো খিদের জন্য দুটো রুটিই যথেষ্ট, আর কি চাই। দুনিয়ার অন্য মানুষদের তো অনেক খরচা। বিয়ে সাদী উপলক্ষে তারা অনেক খরচা করে। আমাদের কোনো খরচাই নেই। আমাদের বিবাহ বন্ধনী হয় শিব বাবার সাথে। এক পাইও খরচা নেই। বিবাহ বন্ধনী করে আমরা বাবার কাছে চলে যাই। এখানেও বাচ্চারা তোমাদের সেবা করতে হবে। তোমাদের নিজেদের স্মরণ দেখে খুশী হতে হবে। এ আমাদের বাবা - মাম্মার স্মরণ এবং আমরা দেবী - দেবতাদেরও স্মরণ। মূখ্য স্মরণ হলো ৫ - ৭ জনের। প্রথম মূখ্য স্মরণ হলো শিববাবার। ওই একের অনেক নাম। তারপর হলো সূক্ষ্মবতনবাসী ব্রহ্মা, বিষ্ণু এবং শঙ্করের স্মরণ, এরপর মনুষ্য সৃষ্টিতে সঙ্গমযুগী জগদম্বা, জগত পিতা আর তোমরা সব শক্তিদেব, বাচ্চারা আর সত্যযুগের লক্ষ্মী - নারায়ণ, ব্যাস। বাদবাকি তো অনেক প্রকারের মন্দির বানানো হয়েছে। তাতে মানুষের অনেক বিভ্রান্তি হয়। তোমরা সব বিষয় থেকে মুক্ত হয়ে যাও আর কতো খুশীতে থাকো। এমন কোনো ইউনিভার্সিটি নেই যেখানে মানুষ থেকে দেবতা বানানো হয়। তোমাদের হলো ঈশ্বরীয় ছাত্র জীবন। তোমরা পাস করে পরিবর্তন হয়ে যাবে। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মূখ্য সার :-

১) অমৃতবেলায় মুরলী শুনে পয়েন্ট রিপোর্ট করতে হবে। অবশ্যই মুরলীর নোটস নিতে হবে। খুশীতে থাকার জন্য অন্যকে নিজের সমান বানানোর সেবা করতে হবে।

২) ব্রহ্মা বাবার হৃদয়ে স্থান অর্জন করার জন্য জ্ঞান আর যোগে তীক্ষ্ণ হতে হবে। নম্বর ওয়ান পাস করে স্কলারশিপ নিতে হবে।

বরদান :- বাবাকে নিজের সমস্ত দায়িত্ব ভার অর্পণ করে সেবার খেলা করে মাস্টার সর্বশক্তিমান হও।

যে কোনো কার্য করাকালীন সর্বদা এই স্মৃতি যেন থাকে যে সর্বশক্তিমান বাবা আমার সাথী, আমরা হলাম মাস্টার সর্বশক্তিমান, তখন কোনো প্রকারের ভারী ভাব থাকবে না। যখন নিজের দায়িত্ব ভাববে তখনই ভারী থাকবে তাই ব্রাহ্মণ জীবনে সমস্ত দায়িত্ব ভার বাবাকে দিয়ে দাও তখনই সেবাও এক খেলার মতো অনুভব হবে। যত বড় চিন্তার বিষয়ই হোক না কেন, অ্যাটেনশন দেবার কাজই হোক, মাস্টার সর্বশক্তিমানের বরদানের স্মৃতিতে নিশ্চিত থাকবে।

স্লোগান :- মুরলীধরের মুরলীতে দেহ - জ্ঞান ভুলে, খুশীর দোলায় দুলতে থাকা সত্যিকারের গোপিকা হও।